

地 350.297
739
5

卷伍

祠祀志

典祀

羣祀

寺觀

武備志

戎事

兵防



續修自鹽井志

卷伍

續修白鹽井志卷之四

祠祀志

古者欲民和而神降之福先成民而致力於神良以神所憑依在德則建祠以祀所以食德而報功也唐虞三代垂爲典常周禮六官詳哉記載歷古迄今雖異世不相襲禮而羣神百祀皆遵王制之遺若乃報賽祝麻藉以返始禪林道院資以滌塵雖不關祀典之隆特以培風水之盛爰志祠祀列爲三等不使相

溷云

典祀

羣祀

寺觀

續修白鹽井志

卷之四

祠祀志序略一



典祀 祠祀志之一

祀頒爲典所以垂千古之禮經而定萬方之儀則也
其道建諸天地達乎風雨露雷以迄山川社稷所最
著者舉凡先聖先儒名宦鄉賢忠孝節義之傳有功
於民之輩隨感而通以誠而應義至精典至渥耳夫
食德報本豺獭且然而况人哉白井自瑞產石羊祥
開天寶涵旺鹽豐課充民聚遂有廟祀之崇而遵典
章於不替焉

文廟 詳建置志學校

關帝廟 〔井舊志〕在尾井北關內嘉靖三十六年提舉章
續修白鹽井志

卷之四

祠祀志典祀二

肖峯叛建康熙三十年提舉蕭繼煌重修外加戲臺
雍正七年提舉劉邦瑞重修前樓大殿中殿後殿各
三間乾隆二十二年提舉郭存莊重修

關帝廟 〔井舊志〕乾隆二十二年提舉郭存莊叛建 〔採
訪〕咸同間兵燹圮毀光緒二十九年提舉文源重修
〔採訪〕道光二十六年大水爲災官竈復增修牌坊
極爲高華壯麗通學呈請提舉繆闡折去戲臺泐碑
永禁演戲同治間兵燹兩廂坍塌通學重修光緒二
十年提舉江海清倡捐重修

文昌宮

〔井舊志〕在喬井行宮右土主廟左舊學宮卽此

因外陽略促前明萬曆三十七年生員陳經倡首捐貲卜遷於象山之麓明年告竣公議改舊學宮爲文昌宮康熙五十五年署提舉白克重修添建書樓室共九間乾隆二十一年提舉郭存莊重修內外并敬匾聯規模大備 採訪咸同間兵燹圯毀已半同治十年改建妙華庵爲文昌宮遷金像於內以殿前狹隘祭祀未便光緒十年修補舊宮復迎聖像還以妥祀事二十六年修補牌坊之朽壞者自此文昌宮有二焉

文昌宮 後殿採訪道光二十一年進士甘岳倡捐修建續修白鹽井志

卷之四

祠祀志典祀三

設家慶會兵燹全圯光緒三十一年提舉文源重修風雲雷雨山川壇 井舊志在小南關外觀音寺右偏乾隆二十一年提舉郭存莊剏建立碑爲壇圍牆三面塹以黃土大門三間匾曰南壇 採訪經亂圯廢借祀於玉皇閣

社稷壇 井舊志在司治西北圓覺庵右偏舊無壇壝乾隆二十一年提舉郭存莊新建後廢乾隆癸丑提舉王子音率諸生張裕遠建 採訪經亂俱圯今借祀於關帝祠

史皇祠 井舊志在大成殿右康熙戊戌年署提舉白克

奉文興修乾隆二十一年提舉郭存莊重修 採訪
道光二十六年提舉鄭家寶率紳竈等重修正殿三
間上有樓爲尊經閣並左右廂房經亂朽塌光緒六
年提舉鄭永齡倡率齋廩甘世忠王宗禹孟節蔭楊
勲全紳竈等重修

崇聖祠 井舊志在明倫堂後大成殿左康熙庚戌年提
舉嚴一詔搨建 採訪道光二十六年鄭家寶率井
人重修經亂將圯光緒六年提舉鄭永齡率齋廩甘
世忠王宗禹孟節蔭紳竈等倡捐重修

朱文公祠 採訪在龍吟書院右半山間舊名龍吟寺光
續修白鹽井志

卷之四

祠祀志典祀四

緒十四年邑舉人甘浦籌款新建二十八年提舉文
源重修設算學館於內

總龍祠 井舊志在司治河東土主廟右搨建無考祀鹹
泉得道之神 雲南通志雍正二年巡撫楊名時以
鹽課充溢民食有賴請加各井龍神封號奉

旨勅封靈源普澤涵脈龍王春秋致祭七年劉邦瑞重修
乾隆二十一年提舉郭存莊重修春秋頒定於辰日
祭祀 採訪道光二十六年水災重修牌坊巍峩壯
麗經亂後隨時修補

土主廟 井舊志在文昌宮右總龍祠左搨建無徵康熙

辛丑年爲水淹沒提舉巖一詔重修五十一年提舉
鄭山重修增建戲臺以戊日祭祀乾隆二十一年提
舉郭存莊重修考楊升庵丹鉛錄黑水祠在雲南昆
明縣之官渡今名黑殺天神土主祀禱極衆觀此則
凡滇境所祀土主皆起於官渡卽土神也與城隍並
尊 採訪經亂土竈增修光緒二十九年提舉文源詳請加封
魁星閣 採訪舊閣在廻龍山嶺之半創始無考道光間
移下數十丈改建正對文廟龍山聳秀之景卽此爲
學宮案山登眺之際鱗次萬家五井悉居其下洵爲
大觀經亂通學重修又明倫堂前亦有魁閣兵燹折
毀尙未修復

續修白鹽井志

卷之四

祠祀志典祀五

鄉賢名宦祠

井舊志在學宮戟門外左右廡

採訪經

亂通學重修

武侯祠

井舊志在關聖宮後殿左側舊爲近思閣崇祀

朱子像名朱子閣康熙五十年提舉鄭山建嘉慶十
六年改遷朱子於史皇祠以此供武侯像祀事亦在
其中 採訪經亂傾圮光緒八年學內重修二十八
年提舉文源重修塑像題額伯仲伊呂

郡主祠

井舊志在司治河東聖母祠後洪武七年建於

老君庵左有正殿三間中設洞庭郡女像右供石羊

古蹟之神乾隆二十一年提舉郭存莊重修 〔採訪〕

光緒二年署提舉劉賜齡以祀典所闕敬聯重修每歲春秋祀事提舉玉璋以其幽僻借祭於聖母殿忘其本矣今移供石羊之神於界井龍祠庶幾存返始之意云記載藝文志二十六年提舉文源重修題額

澤普滇西

厲壇

〔井舊志〕在北關外每歲清明日孟秋望日孟冬朔

日祀無祭鬼魂於此舊無壇壝乾隆二十一年提舉郭存莊建 〔採訪〕咸豐初年土竈增修經亂摧朽光緒五年署提舉李應棠重修二十四年署提舉江海

續修白鹽井志

卷之四

祠祀志典祀六

清補修右廊大門等處二十九年提舉文源重修

棠雩

〔井舊志〕每祭給銀六兩

崇祭

〔井舊志〕每祭給銀二兩以上二祭遇水澇乾旱臨

時報領設祭

節孝祠

〔井舊志〕在井南龍泉山下乾隆五十九年提舉

王子音倡捐創建

〔採訪〕經亂坍塌光緒十六年通

學捐貲重修

昭忠祠

〔採訪〕在井西寶關門外光緒四年提舉李應棠

奉文由撫卹銀項內率士竈創修六年提舉鄭永齡

任內告竣

福德祠 [并舊志] 卽土地祠在司署儀門左側與五井公局相鄰同時新建

案牘祠 [採訪] 在司治大堂左創建無考兵燹後學官寓此光緒十八年訓導呂杭始僦居民房今未修葺

續修白鹽井志

卷之四

祠祀志典祀七

七

羣祀 祠祀志之二

羣祀者羣然共祀非衷乎禮制之典章而沿於輿情之慕效也或鍾水豐物福澤普於四方或捍患禦災威靈顯乎萬古或扶危甦困力解倒懸惠竈恤商常流愷澤以故兆庶結悃忱之願遐邇興禱祝之思雖分祀別祠不無煩瑣然報賽迎庥亦足覘風俗之厚云

觀音井龍祠 採訪在天福井之上祀觀井龍神於此每歲春秋奉文修祀與總龍祠同期本井土竈相率告虔旨以牲帛酒醴歷古皆然光緒元年重修前樓

續修白鹽井志

卷之四 祠祀志羣祀八

舊井龍祠

採訪在寶泉橋之首祀舊井龍神於此每歲春秋祭期同前經亂全圯光緒二十六年本井土竈重建

喬井龍祠

採訪在佛惠橋左準提閣前大新井上道光二十五年新開大中井并建龍祠移祀喬井龍神於此每歲春秋祭期同前正月二十五日本井土竈祭奠讌會以爲常經亂重修

界井龍祠

採訪在霽虹橋左石羊所掘處也祀界井龍神於此每歲春秋祭期同前光緒二十九年界紳竈重修增建井樓

尾井龍祠 採訪在象山下北關內祀尾井龍神於此
每歲春秋祭期同前經亂重修

聖母祠 井舊志在郡主祠前老君庵左正殿三間祀
子孫娘娘像右廂天花殿祀痘神左廂太子宮祀漢
趙王如意明洪武七年剏建康熙三十年提舉趙大
生重修雍正七年爲水坍塌提舉劉邦瑞重修乾隆
二十一年郭存莊重修殿宇臺基等處 採訪道光
二十六年水災重修牌坊光緒初年捐貲修補塑像
二十九年紳宦捐貲重修

炎帝宮 採訪在東關象山之下剏建未詳兵燹圯燬
續修白鹽井志 卷之四 祠祀志羣祀九
僅存照牆光緒四年提舉李應棠率士宦興修正殿
十一年提舉鄭永齡籌修廂樓戲臺未竣二十四年
補修

二神祠 井舊志在西北寶關門內原名心造庵係雲
南縣人陳召赤創建年遠傾圯乾隆丁丑提舉郭存
莊捐貲改建內奉馬王財神以利商旅 採訪經亂
坍塌光緒壬辰年官紳宦商復建大殿甲午年士宦
重修二十八年商宦重修前殿戲臺

觀音井神臺 採訪在南關河西爲土主行宮每井三
月二十八日爲土主神誕迎神於內演戲慶祝五井

輪辦經亂本井重修

舊井神臺

採訪在西山下福壽井左經亂本井重修

喬井神臺

採訪在照壁山下老君庵前經亂本井重

修

界井神臺

採訪在樊良箐左霽虹橋下經亂本井重

修

尾井神臺

採訪在萬安橋下經亂本井重修

報恩祠

井舊志在司治南關外白塔山邊井人思賢

司牧之德建祠奉祀

採訪兵燹圯廢

來蘇閣

井舊志在南郊報恩祠右偏路上內塑署提

續修白鹽井志

卷之四

祠祀志羣祀

十

舉遲烝像後陞貴州省布政司政績載藝文

採訪

兵燹圯廢

借寇亭

井舊志在遲公祠右偏有提舉劉邦瑞去思

德政碑

採訪道光二十三年重修為屋三間右閣

左亭遲公像居中匾曰遺愛猶存兵燹俱燬

謹案白井禮記由來已久而肇始於唐何哉粵自蜀漢武侯南征鬃州貢鹽即白井所產是時河旁沙涵厥井無多至唐而地不愛寶天洩其華神女牧羊於此瓶飴之處皆伏涵脈前民先鑿界井有石甚堅其形類羊掘而起之鹹泉湧出於是四山之下穿洞掘井鹽饒課裕民物茲豐遂與廟祀之舉而龍神土主之祭日隆洎乎本

勅封頒朝典五井土竈乃於祠事外分輪慶祝春酒羔羊宏開壽域昭其敬也然昔也儉而虔今則奢而慢所

賴有心者
維持焉

續修白鹽井志

卷之四

祠祀志羣祀十一

寺觀 祠祀志之三

鷲嶺祇園佛國徒縈晤想瓊樓玉宇仙境伊誰登臨
自漢明建白馬僧居得以寺名漢武作蜚廉道寓遂
以觀著羊城寺觀雖多緇流黃冠於今罕覲然四山
名勝天工代以人工五井香雲祝國藉以報國故遊
覽恒於斯祈禱恒於斯高人墨客之詠寫恒於斯烏
可畧而弗志

文殊閣 井舊志在南郊二里石壁嶙峋鑿洞爲龕飾
以樅楹緣巖曲折而上仰則毘盧插天府則香河環
帶中有凌霄殿三元宮北極宮兩廂鐘鼓樓前面列

續修白鹽井志

卷之四

祠祀志羣祀十二

飛閣登臨遠眺如在畫圖此北極山之勝槩也文殊
返照之景卽此 採訪經亂俱燬光緒十九年重修
觀音寺 井舊志在司治西南爲綠蘿佳景舊傳有白
衣女出現卽其地建刹掘地適獲其像監生甘旨建
文昌宮於左道光間廩生甘時達王濟等倡建魁星
閣於前咸豐間土竈建關聖宮於右 採訪經亂全
圮遺址尙存

龍泉寺 井舊志在觀音井龍祠後山爲野火焚燬移
建觀音寺後眼界愈開左有斗母殿右有三清殿邑
人張曰宿建前殿柱香樓置常住龍泉曉鐘之景卽

此 採訪經亂俱圯僅存正殿三間光緒八年提舉
鄭永齡率觀音井士竈重建兩廂及前樓

聖水亭 井舊志在觀音等龍祠後乾隆二十年提舉

郭存莊泐建踞山凭水結構軒爽水亭觀瀑之景即
此并有跋題額曰是井乃石羊泉之首脈由洞井至
正井夏秋之間滴水暢流滴滴有聲疑若神助是亭
之建要皆眾情愉悅而成功推大善焉爰以聖水名
之 採訪咸豐間重修光緒二十三年燬於火二十
九年觀井士紳重修

雷祖閣 井舊志在玉皇閣左內供雷祖及三十六雷

續修白鹽井志 祠祀志寺觀 十三
卷之四

像有銅鑄大香鼎一座 採訪經亂圯燬遺失無存

安福祠 井舊志在玉皇閣旁前有純陽樓吉安客民

建 採訪經亂摧朽未修

玉皇閣 井舊志在雷祖閣右泐建失考雍正七年提

舉劉邦瑞重修 採訪同治丁卯年靈官殿燬於兵

井人張瓊重修戊寅年公塙後殿大門神像貢生甘

湘捐金重修大殿靈官殿全堂神像

壽福寺 井舊志在舊井四川街湖廣客民創建 採訪

訪經亂圯廢中後殿椽柱尙存

藥王廟 井舊志在壽福寺右 採訪經亂坍塌醫士

捐資重修光緒三十年提舉文源提款重修

萬壽宮

井舊志舊名蕭公祠卽前明席忠烈公故居

席公無嗣提舉胡世英易爲此祠康熙庚午年江右客民並康公祠捐建又新鑄大鐘奉憲札不得懸掛擊動以滷出於龍神龍畏銅鐵之聲故也案卷存署雍正六年提舉劉邦瑞重修 採訪兵燹傾朽光緒辛卯年舉人甘浦羅其澤全管事文生楊燦倡捐修葺癸巳年其澤主修將前層鋪面及大殿兩廂牆垣一律修補完備又將大門增高數尺較前宏敞堅固

明真宮

井舊志在舊井寶泉坊前前明創建規模稍

續修白鹽井志

卷之四

祠祀志寺觀十四

狹明崇禎甲申燬重建乾隆間重修

採訪道光初

年燬十年復修

寶蓮寺

井舊志在舊井竈戶衝關外生員陳龜建

採訪咸豐九年燬於石馬將之亂本井士竈捐資重修光緒二十五年竈戶衝人捐修

鎖水閣

井舊志在寶泉橋西樊姓創建規模甚狹名

清涼界康熙間士竈增建以擴其基乾隆二十三年增建後殿及文昌樓 採訪道光間邑人甘岳捐生息設桂香義館經亂圯廢同治九年重修後殿光緒十八年建前樓及兩廂

龍吟寺

井舊志在五馬橋東龍吟山下原名般若寺

生員李文中開建康熙二年提舉趙大生重修署司郭慶曾詳設書院於中仍以上層為寺乾隆丙子提舉郭存莊捐俸重修移諸佛像於上層石龕內題曰一小洞天大門僧舍俱與書院相隔 採訪經亂盡 圮佛像無存光緒十四年提舉鄭永齡重建改為文公祠並近思閣亦移於此二十八年提舉文源重修詳設算學館於內

準提菴

井舊志在聖母祠左初建無考

採訪經亂

傾朽喬井重修

續修白鹽井志

卷之四

祠祀志寺觀十五

妙華菴

井舊志舊名白蓮寺在司治右旁有二元宮

白蓮三俊之景即此

採訪明嘉靖己未年建康熙

戊午年提舉楊光遠倡建乾隆五六年井幕吳國柱修行於此出資重建棟宇金容無不煥然經亂俱燬同治十年重修改為文昌宮碑記載藝文志

老君菴

井舊志在司治河東喬井行宮後又名同仁

菴依山建宇階級巍峩

採訪經亂喬井重修

觀音閣

採訪在霽虹橋右同治九年提舉金銑重修

光緒初山崩摧壞井人捐資重修

真武觀

井舊志在象山巔象嶺蒸雲之景即此生員

王伯禹等勅建三楹康熙五十六年提舉白兌增建後殿前樓兩廂後住持僧深教募修

採訪乾隆二

十七年增建後殿玉閣咸豐九年四月石馬將之亂盡燬十一年五井捐建大殿中樓光緒六年提舉

鄭永齡倡建兩廂大門及佛像

聖泉寺

井舊志名大王寺在寶關門外山麓有二井

水味甘冽上井美於烹茶下井利作豆腐相傳井脈

來自賓居大王廟故以名寺勅建失考乾隆二十三

年重修較前宏壯

採訪經亂傾圮光緒二十三年

界井重修

續修白鹽井志

卷之四

祠祀志寺觀 十六

圓覺菴

井舊志在尾井西山下地名螞蝗菁為尼僧

住持 採訪兵燹圮廢舊有常住田租十二石貢生

廿二酉捐送後撥入大王寺伍石以供香火其餘八

石經亂尼僧典出至今未贖其田坵坐落飛鳳山下

齊雲閣

井舊志在武侯祠後山秋木圍岫清泉掛峯

象山橫屏香河護足頗稱幽靜康熙五十七年署提

舉白兌修右有觀音殿署提舉葛慶曾修左有宜月

亭乾隆壬申提舉高錦建

採訪經亂俱圮光緒二

十三年署提舉江海清率尾井士竈重修

三聖宮

採訪在南關左側光緒四年例貢張文治捐

地一塊監生李紳捐地一節典吏曾鳳舉文生楊燦
倡建十七年楊燦增生張清培重修塑像

土地祠 採訪在南關外金字山右沙頭有場土坑週
十餘圍內有土塔矗然自立昔人以其缺陷建祠培
補坐東向西戊日致祭

山神廟 採訪在湯家衝箐頭乃東南運柴之路上下
無水邑人甘恒捐租募夫運水以濟行人之渴

大土地祠 採訪在南郊豬頭山下提舉達洪阿建移
南卡於此匾其門曰寶三居首兵燹圯廢

水月菴 採訪在白石谷離井五里咸豐九年四月前
續修白鹽井志

卷之四

祠祀志寺觀十七

樓燬於石馬將之變同治九年提舉金銑率井人重
建石谷春遊之景卽此

一滴菴 井舊志在井南三十里黎武山巔前明提舉
王文瓊倡修置常住以供香火雍正間提舉劉邦瑞
重修

採訪又名菩提菴兵燹盡燬光緒間提舉鄭永齡重
修水遙十里邑人甘恒捐租運水以濟往來之渴

甘露菴 井舊志在井西二十里山脊又名大關王廟
爲迤西運鹽孔道前明提舉王文瓊修常住山場田
地文約存署提舉楊光遠重修內外二層旁有卡房

西卡道書駐此 採訪咸豐九年兵燹盡燬水路遙

遠舊有邑人甘恒捐租賃人運水以濟行旅之渴

謹案寺觀所在無非供佛以齋僧禮仙而募道也
湖厥羊城蘭若幽棲星羅碁布或因山之凸凹以
培峯巒或因水之去來以補漏逗或修境以傳勝
或祈福而禳災翺造者經營於前嗣葺者墁堊於
後烽燧既靖百廢俱興採
而輯之聊資考鑑云爾

續修白鹽井志

卷之四

祠祀志寺觀十八

武備志

孔子曰足食足兵民信之矣孟子曰天下之生久矣
一治一亂惟思患而豫防庶有備而無患羊郡山環
閭里域無城池井兵雖設緩則護謀守關營汎旣無
急則招游募蕩告警省垣鞭長莫及待拯州屬鮒涸
難蘇每遇蠢動之秋頻罹魴頰之害伏憶 劉鄩二
公舊志於武備缺而弗修非畧也蓋當

續修白鹽井志

卷之四

武備志序略十九

國朝重熙累洽偃武修文不語亂力然氣化自有盛衰人
事詎無得失茲雖危而復安之世宜深安不忘危之
思因補輯武備採掇簡編庶精華重地慎守者有所
考而未雨綢繆耳

戎事

兵防

戎事 武備志之一

事之有戎歷載典冊白井無徵有之自明代始而戎之見於事自洪武始蓋周秦尙介蠻荒漢唐漸次開闢宋阻玉斧元通革囊明則建官置署守衛愈嚴而始終愈不免於寇賊矣仰維

聖世揆文奮武聲教四訖三百年內雖有燎原旋即撲滅此固見

皇猷之丕振然於除戎器戒不虞之道亦在所不可廢者耳

明

續修白鹽井志

卷之四

武備志戎事二十

倪蛻滇雲歷年傳洪武二十七年夷賊自久構黨叛姚州知州田本死之州同高惠敗賊於白鹽井自久被擒賊黨解散

田本太原舉人任姚州夷賊自久變生倉卒本抵禦不敵死之州同高惠者泰祥之後洪武初率眾歸附世襲姚州州同會夷賊亂惠奮身擊賊追至白井擒之救免提舉熊以正等官吏三人并印信賊黨遂解散井民賴以生全

參滇繫州志井舊志崇禎己丑年流賊張獻忠敗亡其黨孫可望犇滇竊踞省垣白井舉人席上珍大姚舉

人金世鼎姚州知州何思據守姚安城可望遣張虎
攻之城陷世鼎與思死之上珍被執至昆明大罵不
屈磔於市遂令張虎陷井

張虎陷姚重上珍之才械至省不屈可望呵之上珍
厲聲曰我大明忠臣肯爲若屈耶可望怒命斬之乃
大罵不絕磔於市遂令張虎由大姚襲井欲屠井民
向晦至黎武山麓倏見有黑面七星冠帶仗劍者擁
大蓋來虎執井人問之知爲土主進井入廟旋執上
珍妻封氏至氏投井死虎服其貞烈惡念頓消卽解
所佩刀倒掛神手默祝曰神若有靈不忍井民無辜
續修白鹽井志

卷之四

武備志戎事二十一

被戮使此刀柄下垂三日不出於鞘果如其祝虎神
之井民因此保全

謹案張虎屠姚與襲井兩事姚州新舊志及白井
靈驗記皆作崇禎己丑年考明史甲申三月闖賊
陷燕京明帝殉國我

朝已於是年定鼎改元順治則元年己屬甲申己丑
當書順治六年矣特雲南道遠有明舊臣未奉正
朔故紀載相沿耳

採訪回夷變亂始末官軍攻復情由

起道光二十七年八月至同治

八年五月

道光二十七年秋八月姚州回民僕成龍等結黨作亂
白井提舉李成基招集鄉勇何永興等嚴防捕獲械

送姚州懲辨明年三竅等伏誅

先是道光二十六年永昌回煽亂姚州回楔成龍
溷名三竅與馬老五楔八老陝張起明等率黨千餘
往助聞總督林則徐提兵進討三竅等率眾潛歸往
來井姚硝廠衝清真寺結盟嘯聚約以八月十五日
襲踞白井馳牒永昌回助軍器子藥限於十四日運
至井南白塔山下交付回戶並約姚回千餘於是日
倍道入井起事與永昌回作聲援定盟之後三五成
羣持刀入境滋擾尋覺五井人心驚惶往村逃難提
舉李成基招集練丁鄉勇嚴加防範十三日三竅等

續修白鹽井志

卷之四

武備志戎事二十二

於五馬橋沿街搶奪出刀傷人鄉勇何永興張洋由
榮章執挑滷扁担圍而擊之三竅欲升簷而逃被傷
落地并擒馬老五等四人送署嚴刑拷訊供出不法
實情卽於五井竈戶柴堆搜出所藏燈草火藥遂嚴
監兇犯官民晝夜巡警街巷齊守火塘盤查闔隘柝
聲相聞至十五日訖無動靜偵探回報八老陝由井
脫逃後於十四日率眾千餘策應井回之亂至姚州
白塔街接獲永昌運到子藥軍器又因是日白塔街
齊團回眾大驚一市轟動焚燒肆殺死者千人至晚
蔓延州西洋派亦燒殺千人井民間之紛紛逃避提

舉承基飛稟請兵提憲遣守備陳得功帶兵保井民心少安十月 上憲委河西縣知縣吳嘉思權姚州事承基以此案移州未結而回民誣控 上憲承基去職井人失望遮道哭留承基慰曰保得閭郡生靈予卽失官無憾父老感泣失聲不得已乃脫鞬一隻供於司署頭門左龕以留遺愛迄今五十餘年屢經兵燹其鞬如故二十八九年嘉思署提舉將何永興等逮省大獄旣成由榮章絞決明年八月何永興斬決張洋在監病故何其盛白恩誥滅等同流貴州其盛不知所終恩誥以咸豐元年赦回三竅等亦皆伏

續修白鹽井志

卷之四

武備志戎事 二十三

法嘉思去任井姚紳民思慕不忘建碑於南城門外以誌德政焉

咸豐六年秋七月姚州回據城叛提督文祥進兵攻勦白井提舉羅樹勳帶井兵練勇營妙光寺次龍江衛助戰防剿三月餘姚回出降乃歸

冬十一月初三日流賊蕭帥主由井北入寇踞象山其衆三百餘分股進燒紅門蕭引賊撲東關增貢羅堯章率鄉勇等五十餘人出關堵禦礮燃而葑未發蕭奔至欲擁礮反擊礮驟響蕭賊立斃其衆潛逃遂解散

八年夏四月中旬流賊謝光三率匪千餘自牛井入寇
進踞王氏宗祠時姚回馬鳳林等在井窺伺流賊執
而拘之聲言爲井除害實則藉口索財井人善遇之
賊遂去至定遠被鄉勇圍殺無遺

冬十月初七日流賊毛老三率匪四百餘自平川入寇
踞北塔山營鄉勇李斯盛文體中段名成等率衆奮
勇抵敵力戰死賊亦解散

咸豐九年夏四月夷賊石馬將率黨陷井戕訓導張銀
於五馬橋姚州知州普惠率民練克復夷黨退踞三
岔河惠進攻之十月回匪龔陷姚城惠旋攻不克十

續修白鹽井志

卷之四

武備志戎事二十四

一月初三日提舉吳榮禧駐防千總楊逢春逃避回
夷僞都督楊榮自光遠合黨龔井陷之

夷賊石馬將大姚苴却人賤役於井有姓沒名沿街
求食人以老蘇呼之咸豐八年龍妖道叛據大古者
遂往投焉九年 上憲委都司銜黑井蕭遇春帶練

催課時西路阻滯鹽勛墮銷課無從出提舉吳榮禧
聞蕭弁橫暴諭公局首事設館欵留於井南觀音寺
遂括公私財帛限四月初十日交繳妖道風聞暗遣
石馬將率夷賊三百餘於十五日陷井搶掠課銀立
砦金字山頂未刻分股圍攻觀音寺遇春不敵逃去

其練丁被夷賊殺斃二十一名入寺搶課並殺和尚
一名掠寺內大鼓於砦中晝夜敲搗縱酒狂呼噴水
作法時而挺戈跨馬夷眾擁護沿街呼吼越日有夷
黨劉大管事聞馬將猖狂亂井來至聖母祠塘壓被
殺至晚焚寶蓮寺殺溫道人於寺門所過街巷令居
民披髮跪接門前設案置淨水一盂狂言妄語數武
輒令吼營忽來忽往燒殺附近鄉村井民朝不保夕
暗集鄉勇數十名埋伏玉皇閣至二十三日普州主
調州練紮一滴庵前鋒長驅大進馬將空壁迎戰鄉
勇自湯家衝繞後燒燬其營夷眾潰敗州練追殺川

續修白鹽井志

卷之四

武備志戎事 二十五

民雷剛二奮勇刺馬將於柳樹塘田中梟首獻俘二
百有零州練入井搶掠財帛一空急奔迎普公入關
至亥刻傳令嚴禁搶掠吏民乃安堵焉夷賊招集餘
黨退紮灰坡普公營龍泉山趙法佐之設計率練進
攻提舉仍歸署內楊千總營白蓮寺以衛井衙蕭弁
營魁閣五井四鄉齊告奮勇廩生張沂附生久愈清
義勇王懷信李光輔樊克昌王城王松亭布兆熊洪
敦五常俊李春山張國棟王應祥等各率練丁攻擊
夷黨不支敗退三岔河小村阻水依山立砦負固適
盛夏河水泛漲夷賊浮木以渡我兵不能追及夷目

馬廷珍僞稱元帥以么大將統兵高瑞主謀恃險抗
拒鄉勇連日進攻四路邀截擒斬頗多至九月水勢
漸減紮於馬都營者以銃礮遙擊營於天乙山者繞
攻賊背賊勢窘急立見成功矣迺姚城空虛內奸僕
光美以提督福兆圍攻雲縣甚緊與回逆杜文秀謀
謀遣僞將軍寶文明賄大古者妖匪假道入姚乘間
以襲十月二十七日州城陷惠由井撤師繞道定遠
入姚南界招集難民攻剿不克退至楚雄病死十一
月初三逆回杜文秀與妖道說和令夷都督白光遠
回都督楊榮合黨襲井遂陷榮禧逢春逃遁不知所
終井姚兵燹自此而始

續修白鹽井志

卷之四

武備志戎事二十六

咸豐十年夏六月練日鄭洪順教諭甘時清奉憲檄圍
攻井姚敗潰洪順退走時清陣亡

洪順會理州人膂力邁眾勇敢有爲雲南軍興屢著
戰功投効提督福兆軍營時清白井舉人選授永昌
保山縣教諭赴省看驗時保山陷於賊奉委全洪順
率鄉勇辦理兩姚軍務五月進師井南士民遠近向
義奮勇爭先率師深入夷目白光遠周德厚等望風
恐懼暗約兩姚夷目殺回歸順求我師相機行事遂
於十二日夜進據井南王氏宗祠夾攻回營不料是

日大姚夷目金肇盛馳報光遠言四月二十二日適東回馬朝真桂極富馬某等攻破楚城我等不宜輕動仍然助回是夜大雨河水泛漲我師深入反被回夷圍攻四面受敵死傷壯勇百餘人時洪順力攻姚城不能兼顧令井營堅壁勿戰俟兩姚克復白井不攻自下六月初二日文秀遣僞將軍楊德明率賊二千餘由西赴援自晨至午白塔山營被賊攻破全軍覆沒南河諸營聞風皆潰賊眾乘勝力追并攻破李家庄糧臺時清陣亡是役也師至南郊先勝後敗綜記五井四鄉義勇練丁歿於王事者千有餘人越曰

續修白鹽井志

卷之四

武備志戎事二十七

兩姚師潰洪順退走會川後人談及戎事咸稱其勇夷回二賊自此兩不相容

秋七月逆回杜文秀遣僞都督馬春更換楊榮與夷僞都督白光遠同踞守至八月遣還

九月兩姚回匪殺夷據城白井夷目白光遠踞守以圖反正冬十二月姚回襲井白光遠西遁

九月兩姚逆回攻走夷匪白井回渠馬春先已遣還而餘回甚少夷匪亦不加害放歸姚城有夷僞都督白光遠據井恐姚回肆奸反噬引高瑞於三岔河入井計議更名高發投稟省憲相與報効保井戴罪立功

請員坐鎮未到先於十二月十五日姚回僞先鋒僕世寶何有功率賊二百餘自米蔬石繞道襲井光遠聞風西遁姚回僞都督僕有明入井踞守

十一年春正月二十五日土練日高發都司劉應凱王成貴文職李芳宗等攻井克之

發既復井欲爲久拒之謀派遣五井戶丁數百名建土城於南郊菜地驅迫嚴急力役者私相詛曰築斯城也有害無益一旦賊至四面受敵與民守之走之大吉發早督暮息以爲得計

三月十三日回逆杜文秀遣僞左將軍馬聯甲僞右將續修白鹽井志

卷之四

武備志戎事二十六

軍馬應良襲井陷之

文秀以僕有明何有功貪冒失井遣馬聯甲應良至姚偵知高發築城守禦率賊四百餘紮一滴庵未至守兵聞風悉遁回疑爲誘敵下令有奮勇前驅攻破土城取左耳獻功者賞銀十兩賊衆爭先而入將近土城築城者不知其爲賊也及賊至前弱者俯首就戮强者荷鋤逃歸而關門早扃無奈赴水鑽橋半爲賊殺賊衆斬關入井肆行屠掠生失左耳者極多糜爛不堪搶劫殆盡蓋發以築城未就聞風率部遠颺五井老幼罹於鋒鏑者倉卒不知其故也馬賊得其

情傳令禁止獻俘者概不賞焉

秋八月文生甘世賢等招集義勇赴省報効奉撫憲張檄進紮井東赤石巖攻剿賊回不克而死

九月逆回杜文秀遣偽參軍王廷鑾偽都督杜義踞井冬十月十五日委辦元馬三姚軍務大姚縣知縣兼署白井提舉朱士達由大田街率都司劉應凱王成貴參將高發姚州文生趙東旭等圍攻復井廷鑾等遁去

十二月二十八日偽參軍王廷鑾偽都督杜義自姚入寇陷井

續修白鹽井志

卷之四

武備志戎事二十九

同治元年春二月十二日副將錢大川參將高發都司劉應凱王成貴文職李芳宗趙東旭等圍攻復井

是年正月錢高等率土練圍攻廷鑾四面迎拒久之援賊不至二月十一日戌時號令居民閉門有夜行者即殺夜半由南關啣枚而逃東塔賊壘猶未知也黎明土練自起陽春率眾圍之賊堅壁呼曰我等皆騰越民被脅至此情願歸順留命無傷各棄軍械出營俯伏陽春等因之概行誅戮搜山捕獲者高錢亦令駢首無遺廷鑾在姚聞之大怒乞師復仇文秀不許

三月二十四日偽司馬楊德明南敗於楚餘黨尙萬餘人至鎮南求偽衆軍王廷鑾助之遂合兵陷井

德明廷鑾率衆未至高錢聞之爭先遠颺賊衆長驅而入肆行殺掠搶擄七日七夜男女老幼死傷數百人兵燹之慘莫此爲甚廷鑾常夢冤鬼纏擾百計禳解崇之如故乃訪求貞烈婦女死於非命者四十餘人鑄碑於大堂祭奠適有狂風滅燭又昇碑迎繞五井以慰其靈將至南關倏起大風飛沙走石擊碑有聲舉市惶恐咸以爲貞魂之不受其祭也廷鑾大悔愈加敬焉因載貞烈姓名撰以序文豎石於土主廟

續修白鹽井志

卷之四

武備志戎事三十

中與節井對峙並封夫人輝映千古云

二年秋七月回逆杜文秀遣偽西將軍張遇泰偽都督杜義踞守

冬十月二十五日叅將高發都司劉應凱王成貴李芳宗等率兵攻井偽叅軍張遇泰遁復井

十一月初三日偽都督杜義寇井陷之

初五日叅將高發副將錢大川等復井

十二月提督馬如龍遣副將錢大川叅將高發等進攻賓川克之候補縣丞趙東旭奉委權署州事偽叅軍王廷鑾率賓牛海東之衆歸降

馬提督檄委錢大川高發李芳宗暨白井增生李維
新女生王士昌姚州文生趙東旭等率白井四鄉練
勇進攻賓川州廷鑾歸降次圍攻下關鄧川浪穹劍
川趙州雲縣等屬時杜逆賊巢空虛人民驚怖而迤
東回合仲奉委由井助剿營於石榴村坐觀成敗明
年文秀遣僞司戎白永昌率賊眾數千赴援大川等
知勢不敵托請援兵潛逃賓牛諸營盡潰居民多被
屠戮李維新王士昌王致中義勇楊福王大年等四
十餘人率練勇死守賊圍困數重三日無援糧餉俱
竭合仲率眾先奔四月初四日酉刻營破全軍覆沒
均旌卹在案

續修白鹽井志

卷之四

武備志戎事三十一

同治十三年奉文採訪提舉呂之樸詳報李維新等
三年夏四月僞司寇李芳園僞將軍洪治書等率眾萬
餘入寇雲貴中協馬向龍游擊馬青雲以部兵三百
拒之副將夏毓秀奉檄來援五月初八日大破之
初上年十二月回掌教馬復初由省至大理講和約
罷兵三年因白井屢失憲委向龍駐防蒞井數日文
秀遣芳園等率賊萬餘自西路入寇進踞天_山山連
營關王廟廷鑾營於大坪治書營於南河首尾夾攻
斷絕糧道欲困之以自破而向龍因講和之故僅帶

部兵二百餘名至井及賊眾壓境居民乘隙潛逃向龍亦不之禁但論老弱暫避強壯留井飛稟省憲求援遣高發營東塔象山多立旗幟以壯聲威所部分營南塔後山以當敵衝各關派井兵把守晝則迎敵南郊夜則演戲內署同事不勝驚惶向龍靜鎮自如芳園偵探莫測其情率賊來攻向龍出西關立馬以待令勇卒彭得祿持帖赴敵請其入井賊眾疑懼恐墮其謀遂巡漸退至晚芳園遣二价通好以觀動靜向龍極意款洽既與之宴仍由來路送歸芳園愈加狐疑越宿攻破小七籠哨樓截戍卒手指埋於糠中

續修白鹽井志

卷之四

武備志戎事三十二

送入署內以激向龍之心向龍付之一笑曰率師出關迎戰進則不讓退亦不追延至五月初八日毓秀等援兵大至內外夾攻西南諸壘皆破賊眾大潰我師追奔數十里斬獲耳級軍裝子藥極多於是置酒高會官民同慶安全咸服向龍之智勇焉

秋八月協鎮銜楊先芝奉委駐防白井兼理鹽課如馬復初和約自三年以至五年白井無事

六年夏四月副將銜楊榮芝叅將高發等進攻平川五月初四日偽大司銜楊榮自姚龔井陷之榮芝等退紮灰坡營會中協馬向龍副將夏毓秀等圍攻不克

是年春二月提督馬如龍遣楊先芝楊七五合仲牛時有等圍攻姚州久不下密令白井守將楊榮芝率高發等圍攻平川因楊榮久踞平川今困於姚城欲攻其無備也楊榮偵知以二百餘眾突圍而出於五月初四日自姚襲井陷之州師遂潰榮芝等由平川敗還進紮灰坡營回逆文秀換偽將軍張禧撒鶴年寇文通更番守井遣楊榮攻定遠元謀等處六月初二日向龍毓秀與王成貴李芳宗等率師四面圍攻自午至夜賊眾無路可逃踞守觀音箐適河水泛漲將橋梁沿岸以箱櫃几凳累爲牆垣晝夜拒戰我師奮勇環攻隔岸民房被賊焚燬殆盡十二日偽將軍布馬楊三人率眾由西南赴援箐賊出柵應之我師乏糧向龍毓秀敗退回省發等退紮天生營自此賊恃其險遂築觀音箐爲土城至十一月逆回文秀遣偽將軍孫達劉永忠等踞守

七年冬十一月初三日叅將高發等率夷練攻井偽將軍孫達等退踞土城待救發聞援賊大至退守天生營賊攻之發遁營遂破

是年逆回杜文秀遣逆西大股賊東下圍省巢穴空虛時防內患遣偽司吏大司平等率賊二萬餘至井

因高發疊次來攻屢得屢失欲先清內患然後援應
省圍僞將軍劉永忠等以其眾進攻天生營高發調
派夷民各備口糧戈弩凭險坐拒三月有餘而鹽糧
俱乏夷目謀反戈以向發懼夜半率親兵越山遠遁
營遂破夷兵被殺及墜巖死者枕藉夷之家口匿於
深山者亦被賊搜殺無遺

八年春三月巡撫岑毓英遣協鎮銜陳定邦會參將高
發都司王成貴安根起成亮委辦三姚軍務張之彬
候補縣趙東旭等攻井五月十八日土城破僞將軍
劉永忠等西遁白井平

續修白鹽井志

卷之四

武備志戎事三十四

陳定邦羅次縣人也始從回匪繼率圍省之眾來降
撫憲岑錄用授職令其攻復白井西上剿賊八年三
月初四日定邦自大姚督兵井南營甘蔗園會高發
等諸營圍攻賊將劉永忠求援姚州僞司軍馬金保
遣僞陝將軍來救率賊踞一滴庵前驅紮黎武定邦
乘賊立脚未定督隊攻擊陝賊潰敗沿路撒銀我兵
不顧奮勇追殺斬陝賊於馬屎橋并攻破一滴庵營
賊遠遁定邦獎率諸營進攻白井賊退踞土城定邦
招撫居民煮鹽辦糧晝夜環攻絕其糧道賊窘甚至
五月十八日夜雨暝濛賊僞將軍劉永忠等啣枚西

遁我兵追殺斬俘甚多是役也秋毫無犯報捷請員
定邦等乘得勝之兵西上攻克賓川誓滅此而朝食
旋以奉調回省明年復攻賓居適僞司戎援應大至
同事怯敵虛張旗幟號火先率前營夜遁賊知之併
力圍攻定邦奮勇抵禦戰死阿克驛營其使白井易
危爲安常見天曰定邦克復之力居多焉

九年巡撫岑毓英遣副將楊玉科統兵西征由武定直
搃大姚八月移師姚州調白井廩生久聯魁王奎季
允修灶生甘時用武生布方岳等抽租辦糧煎鹽籌
餉參將高發等率練丁鄉勇二千餘名營古山寺助

續修白鹽井志

卷之四

武備志戎事三十五

剿明年四月初一日姚州平白井自此永定

謹案白井地處邊隅南鄰兩姚西近大理自建官
設學而後荷食毛踐土之恩民勤課賦敦養士作
人之化戶盡詩書男效才良女慕貞潔採遠古則
兵戎罕聞訪近今則軍事數觀湖厥有明夷賊亂
而流寇擾泊乎近代奸回叛而妖道侵鳥窺竄陷
十餘巡營員恢復八九次其間官紳士庶婦女人
等兵燹疊經生靈塗炭或以忠義捐軀或以孝節
殞命危亡既帖多年正氣猶存五井幸而
天討昭彰得觀香河化日逆氛尺掃胥靖洱海狂
瀾令寵商遵道遵路裨士子儒服儒冠冠微
官保襄勤岑公彥卿鋤暴安良指蒼山而奮武知人善
任澄滇池以修文曷能鎮靜三逸懷柔六詔顯休
烈於無窮哉若乃身經百戰心雄萬夫運籌帷幄
之中決勝千里之外有非井人土管窺蠡測所能
罄其底蘊也謹以芻蕘見聞志其大
畧而永齶郡馨香之薦於不朽云

兵防 武備志之二

古者以田賦出兵寓兵於農法至善也故其時比閭族黨無非伍兩卒旅之師蒐苗獮狩不失征伐擊刺之法內以壯守望之志外以寒寇盜之心此無防之名而有兵之實也自井田既廢兵制得失更僕難終矣惟我

聖世整軍經武法度精嚴况白井煮滷代耕課額繁重文事聿修兵防亦當豫講者

明

姚安府志設督捕營在提舉司治西嘉靖間設指揮一

續修白鹽井志

卷之四

武備志兵防三十六

三〇一

員官軍四十五名勇夫二百六十名萬厯間賊寇少息改爲永安營兵勇撤半明季盡廢

謹案司治西北有村名馬都營爲西幹盡頭距井三十餘里山峻林密其下三岔河爲賊盜出沒之所又有三岔營者在司治正西距井三十里爲西路運鹽衝道岐路三叉塘卡不設行旅畏難明設督捕營員防守疑卽此二處村名或自此起

國朝

井舊志營汎概無提舉衙門設練兵五十名舖兵二名採訪自乾隆二十三年後書缺有間兵防增減簡册無

徵

採訪道光二十七年姚回之亂守備陳得功奉提憲檄

帶永昌兵四百名駐防保井提舉吳嘉思會銜詳請開鑄銃礮以備不虞總督林宮保批示白井精華重地宜加防守准其遵制鑄造

大礮五座

准頭五里每井設一座每座用壯丁十名開放轉運以臺礮二座衛之

臺礮十座

准頭二里每井設二座每座用壯丁三名開放轉運外以百丈機四門應之

百丈機二十門

准頭里許每井設四門每門壯丁二名抬放以鳥銃百門隨後衛之

鳥銃五百門

每井設一百門每門壯丁一名領放以戈矛隨後衛之

礮銃四項遵制製造有事按名請領演放無事照數繳存井署屢用屢效軍興之後概行遺失鑄造鐵匠周某賞給八品軍功頂戴以把總補用

續修白鹽井志

卷之四

武備志兵防三十七

×20+

採訪道光二十八年駐防兵撤提舉吳嘉思詳請添設西卡防守兵十名由大理提標營分撥把總一員駐防司治西三十里關王廟軍興廢僅存道書一名今移駐西關南卡防守兵十名由楚雄協營分撥把總一員駐防司治南十五里柳樹塘後改駐豬頭山軍興廢僅存道書一名今移駐南關

採訪咸豐五年迤西回肇叛白井驚惶提舉羅樹勳請兵防守提督文祥調順雲協千總楊逢春把總楊甲帶兵四百名駐防保井營井南白塔山井西白蓮寺二處

採訪案冊同治十年七月署鹽道張補用道岑至井撫
岷竈艱更定鹽法概歸提舉征收報解除武弁把持
及一切苛政添設總練二名竈練五名井兵三十五
名總練統率練兵竈練稽煎查竈井兵分守關隘解
課緝私光緒三年賓川州屬黃家坪妖匪滋事井地
驚惶提舉王璋稟准添募井兵三十名加守各關巡
查街道及堵緝隣鹽越界充銷等事工食就地籌辦
十五年提舉鄭永齡詳定年加課銀五千兩添設井
兵十五名解課緝私現有井兵八十名五十名歸經
費開支三十名由兵費籌發

續修白鹽井志

卷之四

武備志兵防三十八

通共總練竈練井兵八十七名其工食開支銀兩與
經費兵費各條詳載經費門茲不贅

採訪案冊光緒二十八年通飭各屬練團保境提舉交
陳稟白井每班設團五十名名場武團歲領支薪餉
等銀二千一百六十三兩六錢並請購槍百枝炮二
尊一切軍裝咸備練足三月挑換次班練至十班併
而為營甫及五班丁壯已盡乃請就此五班仍按三
月輪流訓練回練三週乃請罷之三十一年稟請常
留團丁五十名奉准後未及遽行旋改章仍請挑留
團丁二十名常川訓練防備井地三十一年改團為

警三十三年奉檄將白井列爲三等警察設警兵三十名正副巡長各一員歲需薪餉等銀一千四百六十八兩八錢由井地另銷兵費倉夫鹽捐團費內提支

謹按井之設兵良以防患於未然而護課保境也爲司署之捍禦作閭里之干城各之所在實卽寓焉白井人烟輻輳車馬喧闐四方往來皆銷鹽受貨之路五坊萃處悉完課供煎之倫塘卡廢則行旅無道坦之歌營員撤則居民有不測之患甚且護課不過解省保境只以守關兵虛其伍練潰其防有干日募養之費無一時用命之人咸同軍興歷歷可證誠能酌因時制宜之義爲弭盜固圍之謀無事則兵嚴其防臨事而戎可卽庶幾課裕商通上之有神國計鹽豐竈順下之無防民生倉廩實而武備修衣食足而教化行是在賢司牧之加意焉耳

續修白鹽井志

卷之四

武備志兵防

三十九

